

**Pilersaarusiorneq aamma nunaminertat atorneqartarnerat pillugit Inatsisartut
inatsisaata allanngortinnissaa pillugu Inatsisartut inatsisaat nr. xx, xx.xx.201x-imeersup
akuersissutiginissaa pillugit Inatsisartut aalajangiussinissaannut saqqummiussinermut
allakkiaq (nunaminertanik inniminniisarneq)**

(Aningaasaqarnermut Nunamullu Namminermut Naalakkersuisoq)

Saqqummiussinermut allakkiaq

Siullermeernera

Inatsisip allanngortinnissaanut siunnersuutip aallaavigaa suliniutinut angisuunut imaluunniit illuliorluni sanaartorluniluunniit suliniutinut pingaarutilinnut sanaartorfissanik kajungernartitanik inniminniisinnaanialluni kommuninit kissaatigisaq.

Siunnersuummiippuit suliniutit avatangiisink naliliinermik pisariaqartitsinngikkunik nutaamik pilersaarusiornermik tunngavissamik pisariaqartitsisut. Qinnuteqartumut nunaminertamut aalajangersimasumut sallinngortitsinissamut communalbestyrelse perarfissaqlissaq, tamatumungali qinnuteqartop avatangiisink naliliinermut imaluunniit nutaamik pilersaarusiornermut tunngaviliornermut aningaasaliisariaqassalluni. Kommunalbestyrelsip aalajangiinerata siornatigut sapaatit akunnerini marlunni suliniut nunaminertamik inniminniivigneqartoq tamanut ammasumik tusarniaassutigineqassaaq. Pilersaarusiornermut inatsit atuuttoq naapertorlugu communalbestyrelse taamaallaat qinnuteqartut naapertuutsitassaannik kinaassusersiunngitsunik aalajangiinermi tunngavissanik inissitsiterisinnaavoq, taamaallilunilu assersuutigalugit qinnuteqartut suliniummik aningaasaqarnermikkut perarfissaqanngitsuusutut naliliiffigisat ilaatinngagit. Qinnuteqartut arlallit najoqquṭassanik naapertuutsitsippata nunaminertamik tunniussineq assersuutigalugu makitsisoqarneratigut pisinnaavoq.

Aningaasaliisarnerup oqilisarlugulu kajungernarnerulersinneratigut Kalaallit Nunaanni inuussutissarsiornermi ineriarornerup siuarsarnissaanut Naalakkersuisut ilungersuutigisaata ilaatu siunnersuut isigineqassaaq.

Taamatut oqaaseqarlunga siunnersuut Inatsisartunut suliarilluarneqaqqullugu ingerlatippa inassutissallugulu Inatsisartuni aappassaaneerneqannginnermini ataatsimiititaliami suliarineqaqqaassasoq.